




ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆՆԵՐ

Մեայտեմբերի 26-ին Երևանի և Սարգիս և Թրիխիսիի ս. Գևորգ եկեղեցիներում տեղի ունեցան քահանայական ձեռնադրություններ:

Այս փաստը մեծ ուրախությամբ ենք արձանագրում, որովհետև նորընծա վեց քահանաներից չորսը հոգևոր ճեմարանում սովորած մեր նախկին սաներն են: Տերն իր այգու համար միշտ արժանավոր հովիվներ է պատրաստում: «Հունձք բազում են և մըշակք սակաք»: Վերջին 5—6 տարիների ընթացքում միայն Արարատյան թեմում կատարվել են 15 քահանայական ձեռնադրություն:

Այս ուրախալի և ոգևորիչ երևույթի առաջ որքան տխուր ու դատապարտելի է թվում Երևանում պաշտոնավարած նախկին մի քանի քահանաների հայրենալքումը, երբ թողնում են իրենց բանավոր «հօտը», մայր հայրենիքը և անառակ որդու մման հեռանում սեփական տնից՝ դառնալով դասալիքներ:

Նորընծա քահանաներից տ. Գրիգոր Ծատուրյանը, տ. Սամվել Համբարձումյանը և տ. Սարգիս Թաճյանը ձեռնադրվել են Երեմիականի ս. Սարգիս եկեղեցում՝ ձեռամբ Արարատյան թեմի առաջնորդական փոխանորդ տ. Վահան եպս. Տերյանի: Տ. Տիրայր Կոնստյանը, տ. Տաթև Հարությունյանը և տ. Ծմավոն Սաղոյանը ձեռնադրվել են Թրի-

խիսի հայոց ս. Գևորգ եկեղեցում՝ ձեռամբ վրահայոց թեմի առաջնորդ տ. Կոմիտաս եպս. Տեր-Ստեփանյանի:

Ձեռնադրության կարգը, ըստ Մաշտոցի, կատարվում է երկու օրվա ընթացքում. շաբաթ օրը կատարվում է նորընծաների «կոչումն քահանայության լերելոյն» կարգը, երբ քահանայացուները հրապարակալ տալիս են իրենց հավատի խոստովանությունը և նախապատրաստվում ընդունելու «զլուծն Բրիստոսի և երթալ կամալ գհետ կենարարին, ուխտել յանձին գհետ երթալ ընթացիցն Բրիստոսի, յաղքատութիւն, ի քաղց, ի ծարաւ, ի վիշտս, ի հալածանս, ի նախատինս, ի չարչարանս վասն Բրիստոսի»:

Այնուհետև տ. Կոմիտաս և տ. Վահան ձեռնադրիչ եպիսկոպոսները քննում են նորընծաների մտավոր և հոգևոր պատրաստությունը, թե «ունի՞՞ զուսումն քահանայության լիով, և զգիտութիւն աստուածային օրինաց»:

Կիրակի օրը, ս. պատարագից առաջ, կատարվում է նորընծաների «Կանոն ձեռնադրութեան քահանայի», աղոթքներով, ս. գրական ընթերցումներով, շարականով և սաղմոսներգությամբ:

Եկեղեցին միաբերան աղոթում է, «Աստուածային և երկնային շնորհ որ միշտ լնու գալեսս սրբոյ սպասաորութեան առաքելական եկեղեցոյ», որից հետո կատարվում

է ձեռնադրության կարգը, «զի արժանի լիցի» նորընծան «աստիճան քահանայութեան, անարատ պահել առաջի սեղանոյ Տեառն Աստուծոյ»:

Այնուհետև կատարվում է օծման կարգը, որով նորընծան իշխանություն է ստանում «կնքել և կատարել ս. պատարագս Տեառն մերոյ Յիսուսի Քրիստոսի վասն կենդանեաց և ննջեցելոց»:

Ձեռնադրության սույն խորհրդավոր և

«Էջմիածին» ամսագրի խմբագրությունը շնորհավորում է Արարատյան և վրահայոց թեմերի առաջնորդ սրբազաններին, թեմական-եկեղեցական խորհուրդներին՝ այս ոգեվորիչ ու խոստումնալից հոգևոր հնձի առիթով և արտեռանդն բարեմաղթում, որ նորընծաները լինեն «մշակք առանց ամօթոյ»:

Տ. Սարգիս քնն. Թաշճյան. ծնվել է 1942 թվականին: Ներգաղթել է 1956 թվականին



Թրիլիսի. քահանայական ձեռնադրության մի պահ ս. Գևորգ եկեղեցում

արտագրավ արարողությանը ներկա են լինում բազում հավատացյալներ:

Ձեռնադրիչ եպիսկոպոսները գեղեցիկ խրատականով թելադրում են նորընծաներին օրինակ լինել հավատացյալներին «բանիք, գնացիք, սիրով, հաւատովք, սրբութեամբ» (Ա. Տիմ. Դ. 12):

Նորընծաները, իրենց կանոնական քառասունքը անցկացնելուց հետո, կնվիրվեն իրենց հոգևոր ծառայության գործին:

Մոնտեվիդեոյից: Ավարտել է Երևանի օտար լեզուների ինստիտուտը և ապա 1967 թվականին ընդունվել հոգևոր ճեմարան: Միաժամանակ մինչև 1971 թվականը ծառայել է Մայր Աթոռի դիվանատանը որպես քարտուղար և որպես դաստիարակ հոգևոր ճեմարանում:

Այժմ քահանայագործում է Երևանի ս. Սարգիս եկեղեցում:

Տ. Գրիգոր քնն. Ծատուրյան. ծնվել է 1926

թվականին իրանում: Ներգաղթել է 1969 թվականին:

Տ. Սամվել քհն. Համբարձումյան. ծնվել է 1908 թվականին իրանում: Ներգաղթել է 1946 թվականին:

Տ. Տիրայր քհն. Կոնստյան. ծնվել է 1935 թվականին Կահիրեում: Ներգաղթել է 1947 թվականին: 1954 թվականին ավարտել է միջնակարգ դպրոցը Երևանում: 1958 թվականին ընդունվել է Էջմիածնի հոգևոր ճեմարան, որն ավարտել է 1962 թվականին և ձեռնադրվել սարկավագ: 1962—1963 թվականներին սովորել է Զագորսկի հոգևոր ճեմարանում: 1963—1971 թվականներին ծառայել է Մոսկվայի, ապա Թբիլիսիի հայոց եկեղեցիներում, իբրև սարկավագ:

Տ. Տիրայր քհն. Կոնստյանը պաշտոնավարում է Թբիլիսիի ս. Գևորգ եկեղեցում:

Տ. Տաթև քհն. Հարությունյան. ծնվել է 1931 թվականին Ալեքսանդրիայում: Ներգաղթել է 1947 թվականին: Սովորել է Երեւանի երաժշտական ուսումնարանում: 1970

թվականին ընդունվել է ս. Էջմիածնի վանք՝ ծառայելու որպես դպիր և հետևելու հոգևոր ճեմարանում կրոնագիտական, ծիսական միջառք դասընթացներին: 1971 թվականին ձեռնադրվել է սարկավագ:

Տ. Տաթև քհն. Հարությունյանը պաշտոնավարում է Թբիլիսիի հայոց ս. Գևորգ եկեղեցում:

Տ. Ծմավոն քհն. Սաղոյան. ծնվել է 1949 թվականին Ախալցխայի շրջանի Ծուրդուր գյուղում: Ավարտել է տեղի միջնակարգ հայկական դպրոցը: 1966 թվականին ընդունվել է Էջմիածնի հոգևոր ճեմարան և, ավարտելով ճեմարանի դասարանական բաժինը, որպես դպիր ծառայել է Ախալցխայի ս. Գրիգոր Լուսավորիչ եկեղեցում: 1970 թվականին ուղարկվում է Մայր Աթոռ՝ հմտանալու համար ծիսագիտության ու կրոնագիտության մեջ: 1971 թվականին ձեռնադրվել է սարկավագ:

Տ. Ծմավոն քհն. Սաղոյանը պաշտոնավարում է վրահայոց թեմում:

